

和

城

縣

志

續脩柘城縣志序

自來志乘之輯勦修難續脩尤難其
勦焉者不過泝因革之始備掌故之
徵舉例發凡撮其大略而已若夫踵
而脩之則舊本之譌誤前文之紕繆
胥於續焉者是望舉凡若者宜釐正

若者宜增輯自非優於才識不足以
秉鑑衡亦非假以歲時不足以宏徵
採蓋續脩若是之難也柘邑志書失
脩既歷有年所官斯土者率以簿書
鞅掌未遑網羅散佚從事斯文自諸
暨秘香余君來宰茲邑始倡續脩之

議厥後南城然北元君講求吏治慨
然有徵文攷獻之志率邑之耆舊設
局編纂思以卒業迺功未竟而元君
遽捐館舍嗣山陰鄒泉傳君捧檄來
莅踵而成之未逾年又量移而去繼
之者為今明府廬陵翰亭郭君邑人士

方謂郭侯攝篆來非久任者比或亦
如疇昔之官斯土者課績於簿書鞅
掌已耳必未暇從事斯文而青以邑
志之廢於垂成為可惜也乃郭君竟
毅然自任不畏難不憚勞不沿襲故
常而事蹟之攷核必確不苟安簡陋

新增人物採入太繁文筆漫衍又其所
失也時傳君調署考城以余移司是
邦我忝北修飾有待之書冥中若相
屬焉爰竭公餘之力遂加釐正夫柘為
古朱襄氏之都設縣始於秦兩漢因之
三國及晉建置屢改隋開皇時定名柘
城所屬不一郡故沿革不一然縣於歸

德不當車馬之
役鮮故不家繁土
宜甚衆食物之
節民生其間安於耕鑿
惟地野沃平偶遇久雨若重困者藻
荇區維時就牧其時豐物旱風
平使田民相與休息以臻樂安所素願也
然處遼僻之邑值業牘之餘不能徵稽載
籍廣考史乘覽川陸之風土集逸聞以成

書亦守土者之惡焉。拓自三國梁習後至
陳思濟始見元史。迄有明而人材鵲起。我
朝康雍閒理學科名之盛甲於他邑。生俗敦
樸純儉。猶有朱襄氏遺風。自今能優游
文學之林。陶淵德禮之俗。導引其情入
於藝圃。俾

國初盛軌再見。今茲不六善乎。周禮士訓以

道地圖司徒本注四續時儒蓋歎其文風
俗良漓咸返夫正達其好惡以盡於賢善
也古聖經說可不興邦人君子共勛之哉
故參訂凡例博採瑕疵凡七閱月而告成
元公幽志或藉以不泯歟至於神智不及
非無罅漏潤色之功尚俟後之君子理而
董焉

光緒二十二年歲次丙申仲春月調署
柘城縣事考城縣志縣廬陵郭藻序

柘城縣志

前修姓氏

河南巡撫何燭

歸德府知府趙瑗

柘城縣知縣李志魯

教諭王永健

訓導王雲淩

典史莫龍官

邑人高

桐

寶

絙

常泰來

周繩武

竇紆

趙阜

劉國昌

竇絳

竇容升

張鑣

袁炳文

李健寶

趙心德

王克簡

魏聯閣

梁玉成

王樹

宋永仁

孔傳來

徐長庚

劉動

李嵩齡

呂履謙

朱榮光

李學信

陳廷拱

李鑄

竇纓

王奉璋

竇玉樞

趙國朋

高焯

王承謨

朱殿鼇

杜景崑

光緒重修柘城縣志序

賜進士出身河南承宣布政使司布政使世襲恩騎尉滿洲額勒精額撰
自來志乘之最著者莫如康氏武功韓氏朝邑兩志
文簡義賅後之作者莫能及焉雖然兩志之簡亦非
後人所能學也夫府縣之志將以備省志之採擇宜
詳不宜簡而縣志尤當詳於府志使無康氏韓氏之
才而徒學其簡勢必至空疏挂漏當世之採風問俗
徵文攷獻者將何所取資焉河南邑志多經名人手

輯而登封成於洪穉存編修偃師成於武虛谷大令
詳簡得宜具有史法尤為當世所稱今之修志垂者
學二子之書可矣何必遠溯康韓哉予承

恩命布政是邦年力衰疲職事繇重於理財用人諸
大政惟日孜孜常不暇給郡縣之志未遑過而問焉
而郡縣之吏大率困於簿書期會無能究心此事者
山陰傅君薌泉宰柘城獨以所修縣志來上一再披
覽綱舉目張粲然絜然罔不畢具足以備採風問俗

徵文破獻之資古有良吏而兼良史之才者傳君始
無愧焉蓋是舉肇始於諸暨余君繼香南城元君岱
北而廬陵郭君翰亭踵成之至傳君始藏其事以諸
君子編纂之勤時逾十年然後卒業雖未能與洪編
修武大令之書絜量短長而詳簡得宜要亦不背於
史法可謂克勤厥職相與有成者矣豈非柘邑之幸
哉抑予更有進者自伊洛之儒上承道統中州遂為
理學之邦

國初容城孫徵君遷河南睢州湯文正公登封耿逸
庵宮詹皆從之遊而柘城竇靜庵檢討又從二公講
學夏峯嵩陽而外朱陽學者稱極盛焉百餘年來
講學之風稍不競矣方今異學爭鳴侏離雜進間有
誦法儒先修身砥行者當世則非而笑之以為迂濶
傳君以修志之故搜輯遺聞表章先哲使邑之士大
夫有所觀感於以紹桑梓之清芬繼正學之墜緒孟
氏所謂正人心息邪說者或於此而兆其幾焉傳君